

陈衍 打最有型嘅工 做最喜欢嘅事



“潮”有好多不同的定义，唔同嘅人对“潮”都有唔同嘅认识。但可以係鲜有人尝试嘅服饰穿搭，可以係与众不同嘅健康生活方式，更可以係不断汲取新知识嘅欲望……今期要介绍嘅这位潮人，打住一份好有型嘅工，做紧自己最中意嘅事，更帮紧有需要嘅人，我哋大家一起同佢做个friend啦！

黄正晴/文 秦丽莹、广东人社/图



令机器人有温度

一提到机器人，大家首先会想到嘅係硬邦邦嘅钢铁巨兽？其实我哋日常生活中，程度都有佢嘅身影，购物广场嘅“客服”，餐厅“传菜员”，好多都已经渐渐“机械化”，而呢啲冰冰冷冷嘅机器人，亦渐渐开始有咗“人情味”。陈衍，一个睇落宅宅嘅大男孩，就係令到呢啲“钢铁人”有咗“温度”嘅技能青年。将自己笑称为“挖下水道”的陈衍，依家正喺度研究紧“下水道移动机器人”；下水道环境复杂，充满有毒嘅沼气同未知嘅危机，好需要一个“帮手”，可以完成检查地下管道、修缮管道网络等等重要工作。陈衍觉得，自己研发嘅机器人係有使命在身嘅，分分钟可以救人一命添。



敢想敢做敢试错

好多90后嘅后生仔女，都仲喺社会探索中，甚至未搞清楚自己嘅方向。而年仅24岁嘅陈衍，已经经历过社会嘅鞭打，由初次创业失败，到重新振作再崛起，走过高山低谷，但更加知道现实嘅残酷与不易。开始嘅时候，天真嘅陈衍睇到“智能家居”嘅势头好猛，就借住年轻嘅血气，开启咗自己嘅创业路，但由于经验不足，初次创业就以失败告终了。讲起这段经历，陈衍只係浅浅一笑，失败乃成功之母，衰咗咪再努力一次咯。一个机缘巧合，佢接触到移动机器人呢个全新领域，发现自己对呢样事物嘅热情，并预料到呢条路嘅大好前景。于是，佢重新进入校园学习相关知识，一路摸爬滚打，从一开始嘅校级比赛获奖，到最后登上国家级领奖台，进入到世界大赛嘅训练营，陈衍逐渐成为站在移动机器人研发领域金字塔顶端嘅人。陈衍唔怕出错，但认为自己现在嘅工作，努力奋斗就会有收获，就算犯错也唔会打击唔到佢对机器人研发嘅热情。



搵啱目标好重要

陈衍记得自己小学三年级嘅时候，买咗一本书叫做《数据结构》，佢话：“虽然里面的内容，我并没有完全看懂，但是我大受震撼，总觉得我好像懂咗什么。”可能就喺那个时候，受到咗书本嘅启发，陈衍同移动机器人就已经结缘。到咗依家，被问到自己从事呢个行业最有成就感嘅时候，佢都会话：学到新野就会成就感满满。机器人嘅研究同开发，从来都唔係一件轻松事，但呢个係陈衍嘅兴趣所在，所以佢从来都唔觉得辛苦。作为新时代技能青年，佢觉得只要投入真心喜欢嘅事业中，就会有坚持的动力，搵啱自己中意嘅方向并往这个方向努力奋斗，对个人长线发展真係好重要。



学新词

做新扎粤语达人

粤语词汇好盏鬼，就算几“新”的词，都可以有你意想唔到嘅讲法，新鲜唔够劲，一定要加埋“滚热辣”，听到你上头！“新扎”唔一定係警察，仲有机会“晋升”。过完年都仲係“新正头”，感觉新年都被“延长”了。今期Color带你学“新”词、涨知识，齐齐为生活添新意！

陈祉伶/文、图 郭玮、黄正晴/模特



新扎

sen1 zad3

“新扎”呢个词原来常用于警察行业，“扎”係绑、佩戴的意思，警察的器械，比如配枪、警棍之类一般都“扎”在腰上，因此“新扎”意为带枪上枪，即表示初初做上警察。如今也常常把它用到其他领域，多形容啱啱进入某一行的新手。另外，由于“扎”在使用过程中，也被赋予咗“升职、受任命”的意思，所以有时也会用“新扎”去表示某人最近升职上位或者崭露头角。

造句：TVB台最近咁排捧陈豪，睇嚟今年嘅新扎“视后”分分钟就係佢了。



新正头

sen1 zing1 teo4-2

该词源于“新正”一词，早见于唐代，例见：唐·白居易《岁假内命酒赠周判官萧协律》：“共知欲老流年急，且喜新正假日频。”“新正头”其实係取新年正月好开头之意，整个农历一月期间都会被叫“新正头”或者“新年头”。“新正头”係一种非常口语化的表述，时至今日，仍然有不少广州人使用这种表述，需要注意嘅係，在读这个词嘅时候，“新正头”的“正”字同“头”字都要变调。

造句：新正头记得要多讲多啲吉利嘅话，咁先多人锡嘢。



新净

sen1 zéng6

想表示一样嘢係初始状态、未俾使用过，斋一个“新”字，唔够口语入面表达就唔够精准，我哋通常会按语境需要选择唔同嘅形容词，例如想要表示新给程度好高，就会用到“新簇簇”，不过呢个词多用于服装穿戴嘅新。而“新净”就更加常用，当大家用“新净”形容某一物品的时候，除咗指表述物件崭新以外，还暗含洁净嘅意思。

造句：我部相机买番啖之后日日都会保养嘅，依家仲新净过商店摆住嘅。



新地

sen1 déi6

暑热天气，好多人钟意食雪糕，而一些店家会将雪糕写成“新地”，你又知唔知点解呢？其实唔係所有雪糕都叫新地，佢英文“Sundae”音译过来嘅，特指在顶部加有压碎的果肉、果汁或坚果等的冰淇淋，普通话一般译作“圣代”。由于地理位置和历史原因，广东在与外国长期的接触中，粤语也吸收咗唔少外来词，好似“新地”呢啲音译词在长期使用过程中逐渐融入粤语，已成为粤语词汇嘅一部分啦，类似词汇仲有巴士(bus)、士多(store)等。

造句：街口间快餐店新出咗几款新地嘅雪糕，我哋等阵一起去试下啦。



新鲜滚热辣

sen1 xin1 guen2 yid6 lad6

“新鲜滚热辣”呢个词本身係用嚟形容做好嘅菜肴，热辣滚烫，如今也借以形容新鲜嘅东西或刚发生嘅事情。“辣”呢个词中并非指辣味，而係取滚烫之意，所以广东人同你讲“好辣”嘅时候，好可能係“好烫”的意思。其实形容热、烫嘅粤语正字应该“焗”(读nad3)，不过因为大家日常生活中讲嘢音讲得多，好多次就方便用“辣”代替咗“焗”。喺一啲特定词中，辣亦有咗热、烫嘅意思，比如“热辣辣”。

造句：蛋挞便係啱啱出炉最好食嘅，新鲜滚热辣喇嘛！